

11. juni 2018

UKA2018/114

Inatsisartut suleriaasianni § 33 naapertorlugu matumuuna inatsisartut aalajangiiffigisassaattut siunnersuut saqqummiuppara:

Ilinniarnertuunngorniarfinni ilinniutit, ilinnarnerup ingerlanera, atortussallu allat Namminersorlutik Oqartussanik tapiiffigineqarluni pineqartartut ilinniarnertuunngorniarfinni siunertanut tapersersuisuunersut Naalakkersuisunit misissuiffigineqarnissaannik nalunaarusiorneqarnissaannillu inatsisartunut aalajangiiffigisassaattut siunnersuut. Nalunaarusiaq kingusinnerpaamik UKA2019-mi saqqummiunneqassaaq siunissamut isigisumik pitsaassutsimik qulakkeerininnissamut innersuussinernik imaqassalluni.

(Siumup Inatsisartunut ilaasortaataitai)

Tunngavilersuutit:

Naalakkersuisut nittartakkamik Iserasuaat.gl.-mik atilimmik pilersitsisimapput. Tassani ilisimatitsissutigineqarpoq inuit ilinniartitaanerup ingerlanerata, ilinniutit kiisalu taakkununnga assingusut ineriartortinneqarnissaannik soqutigisaqartut qanoq ilillutik aningaasanik tapiiffigineqarnissamut qinnuteqarsinnaanersut¹. Taamatuttaarlu ilisimatitsissutigineqarpoq atortussat ineriartortinneri aallartitsinnagit immikkut ilisimasalimmik eqqartueqateqartoqarsinnaaneq, taamaattorli atortussat/suliat akuerineqarnissaanut/nalilerneqarnissaanut piumasaqaatinik ersittoqarani.

Ilinniarnertuunngorniarfiit pillugit inatsisit atuuttut tunngavigalugit ilinniarnertuunngorniarfinni iliniartitsisut atuartitsinermi ilinniartitsissutitut atugassatik namminneq qinersinnaavaat. Soorunamilu namminersortut, nunani allani naqitanngorlugit saqqummersitsisartut allallu taakkununnga assingusut ilinniarnertuunngorniarfinni ilinniartitsissutinik suliaqaqqullugit piumaffigisinnaangilavut. Taamaattorli tunngaviatigut isumaqarpunga pisortat aningaasaataat atorlugit GUX-mi ilinniartitsinermi atugassatut naleqquttunik saqqummersitsinermi minnerpaamik qulakkeertariaqaripput GUX-mi ilinniarnermut tapersersuisuullutillu naleqquttuusariaqartut.

Pisortanut aningaasatigut allaffissornikkullu kingunissaritinneqartut

Pisortanut aningaasatigut allaffissornikkullu kingunissaritinneqartunut tunngatillugu naatsorsuutigineqarpoq misissuinermet namminermut kiisalu nalunaarusiamut AC-mik atorfeqartup ukiumi ataatsimi akissarsiaasa naligissavaat, imatut paasillugu 500.000 kr.

Namminersorlutik inussutissarsiortunut aningaasatigut allaffissornikkullu kingunissaritinneqartut

Soqanngilaq.

Innuttaasunut inussutissarsiortunut aningaasatigut allaffissornikkullu kingunissaritinneqartut

Soqanngilaq.

¹ <http://www.iserasuaat.gl/da/Den%20Gymnasiale%20uddannelse/Materialer/Stotte%20til%20udvikling>